

MBSB BANK ANJUR PROGRAM KEUSAHAWANAN UNTUK MEMPERKASAKAN EKONOMI B40

PETALING JAYA, 27 SEPTEMBER 2022 - MBSB Bank Berhad (MBSB Bank) telah berjaya melaksanakan program mengupayakan usahawan kecil iaitu *Growth Entrepreneurship Assistance Programme* (GRAP) yang merupakan sebahagian daripada inisiatif tanggungjawab sosial korporatnya.

GRAP dijalankan menerusi usaha sama dengan rakan pelaksana, Islamic Relief Malaysia (IR Malaysia) yang bermula pada bulan Februari 2022 sehingga Ogos 2022. Objektif utama program selama tujuh bulan ini adalah untuk memperkasakan ekonomi komuniti B40 menerusi peningkatan kemahiran dan pengurusan perniagaan bagi membolehkan penjanaan pendapatan mampan.

23 peserta GRAP yang terdiri daripada penduduk PPR Desa Rejang, Setapak di Kuala Lumpur telah berpeluang menjalani latihan jualan dan pemasaran dalam talian, pembangunan produk, minda kreatif, kaedah perakaunan serta pengurusan rekod, pembekal dan kesejahteraan emosi. Usaha tersebut telah memperkuatkannya perniagaan serta daya saing para peserta yang mana 80% daripadanya terdiri daripada golongan wanita termasuk ibu tunggal. Daripada jumlah tersebut, 84% melibatkan perniagaan makanan dan selebihnya ialah jahitan serta ‘dropshipping’.

Datuk Nor Azam M. Taib, Ketua Pegawai Eksekutif Kumpulan, MBSB Bank berkata, “Kami sangat bersyukur dan berbesar hati dengan kejayaan GRAP. Secara puratanya, para peserta mencatatkan pertumbuhan pendapatan bulanan melebihi 95%. Inisiatif tanggungjawab sosial korporat ini adalah seiring dengan konsep pembangunan lestari dan keseimbangan ekonomi.”

Menurutnya lagi, “Harapan kami agar para peserta GRAP akan terus maju ke hadapan dengan perniagaan masing-masing dan limpahan manfaatnya dapat dikongsikan dengan keluarga serta komuniti setempat.”

Ditemui ketika majlis penyampaian sijil penyertaan kepada para peserta GRAP di Menara MBSB Bank hari ini, Azie Haslinda Abu Bakar (33 tahun), berkongsi bahawa beliau bersyukur apabila terpilih untuk menyertai GRAP setelah kehilangan pekerjaan akibat pandemik COVID-19. Menerusi GRAP, Azie telah berjaya mempertingkatkan perniagaan pek makanan tengahari beliau. Kini, Azie boleh menarik nafas lega kerana perniagaan beliau antara yang mencatatkan pencapaian tertinggi dari segi peningkatan pendapatan setelah menyertai GRAP.

Turut berkongsi pengalaman pada majlis itu adalah Fazlekha Md Ghazali (38 tahun), yang merupakan seorang penjaja makanan yang mempunyai kesukaran menambah pendapatan bulanan sebelum ini. Namun, dengan menyertai GRAP, beliau berjaya meningkatkan pendapatan bulannya sehingga melebihi 100% dalam jangka masa tujuh bulan dengan menjual Char Kuey Teow dan Nasi Lemak.

Manakala seorang lagi peserta, Nur Raihan Zainalabidin (35 tahun) yang terlibat dengan perniagaan bakeri dan katering pula berjaya meningkatkan hasil jualan secara konsisten hasil dari bimbingan menerusi program GRAP bagi menampung keperluan enam orang anak-anaknya serta ahli keluarga yang lain.

-Tamat-

Untuk sebarang pertanyaan media, sila hubungi:

Nik Surina Suria Nik Abdullah
Jabatan Pemasaran & Komunikasi Strategik
MBSB Bank Berhad
E: niksurina@mbsbbank.com
M: 03 7455 6651

Najihah Abdullah Sani
Jabatan Pemasaran & Komunikasi Strategik
MBSB Bank Berhad
E: najihah@mbsbbank.com
M: 03 7455 5567

MBSB Bank Berhad

Tingkat 25, Menara MBSB Bank, Lot 12, PJ Sentral, Persiaran Barat, Seksyen 52, 46200 Petaling Jaya, Selangor Darul Ehsan.

Laman Web: www.mbsbbank.com

Mengenai MBSB Bank

MBSB Bank Berhad (MBSB Bank), merupakan sebuah Bank Islam sepenuhnya di Malaysia yang menyediakan kemudahan perbankan patuh syariah kepada pelanggan runcit, PKS dan korporat. Sebagai tambahan kepada senarai komprehensif produk pinjamannya, MBSB Bank, melalui keupayaan digitalnya, memperluaskan saluran pengedarannya melalui perkhidmatan dalam talian seperti perbankan mudah alih dan cawangan maya. MBSB Bank juga menawarkan produk standard industri seperti e-dompet MBSB Bank, yang merupakan e-dompet patuh syariah pertama negara. Pada masa yang sama, MBSB Bank mensasarkan untuk membawa impak positif dan mampan kepada ekonomi, komuniti dan alam sekitar dengan menggunakan Matlamat Pembangunan Lestari Pertubuhan Bangsa-Bangsa Bersatu (UNSDG) dalam operasinya serta menyediakan pinjaman hijau kepada pelanggannya. Melangkah ke hadapan, MBSB Bank bersedia untuk mencapai pencapaian utamanya, iaitu menjadi institusi kewangan Islam yang matang sepenuhnya menjelang tahun 2025, yang dinamakan sebagai Journey25 (J25).